

Ел қорғайтын айбынды жастар



Дильназ САТЫБАЛДИЕВА,
«Әскери кафедра» студенті:

Мен әскери кафедрада «Құрлық әскерлерінде қосымша білім алып жүрмін. Өзім – Махамбет Өтемісов атындағы Батыс Қазақстан университетінде «Құқықтану» мамандығында оқимын. Бір жағынан әскери кафедрадан алып шығатын «лейтенант» шені мен оқу бітіргеннен кейін де қажет болары сөзсіз. Болашақта прокурор болғым келеді. Сонымен қатар әскери салада қызмет етсем деген арманым да бар.

Әскери кафедрада білім алу өзіме ұнайды, сабақтың да аса қатты қиындығы жоқ. Дегенмен, әскери орын болғандықтан, тәртіп талап етіледі. Біз басқа университеттің студенті болсақ та, бізге мұндағы оқу процесіне қатысатын уақытымыз кестеге сәйкестендірілген. Әр аптаның ішіндегі бір күніміз осы әскери кафедрада өтеді. Ол жағынан ешқандай мәселе туындаған емес.



Гүлнәз ӘМІРЖАН,
«Әскери кафедра» студенті:

Мен Жәңгір хан атындағы Батыс Қазақстан аграрлық-техникалық университетінде «Жерге орналастыру» мамандығында оқимын. Сонымен бірге қосымша биыл әскери кафедраға «Құрлық әскерлерінде байланысты ұйымдастыру» мамандығына оқуға түстім. Әр аптаның бір күнін әскери кафедрада өткізіп, сапта тұрып, әскери дағдыларды меңгереміз. Әскери кафедрада білім алу бізге әскери өмірдің қыр-сырын ұғындырып, шыдамдылық, ұстамдылық секілді қасиеттерді бойымызға дарытты. Әрине, әскери өмір қыздарға қиындау, алайда алып жүруге болады. Барлығы да адамның өзіне байланысты. Біз де жігіттермен қатар барлық тапсырмаларды ойдағыдай орындауға тырысамыз. Себебі, тәртіп – барлығымызға ортақ. Нәтижесінде мен әскери кафедраға оқуға түскеніме өкінбеймін.



Темірлан ТӘЖЕН,
«Әскери кафедра» студенті, взвод командирі:

Мен әскери кафедрада «Зымыран әскерлері мен артиллериясы бөлімшелері, бөлімдері мен құрамаларын жауынгерлік қолдану» мамандығында 2-курста оқып жүрмін. Биыл оқуымды тәмамдап, «запастағы лейтенант» шенімен қолыма әскери билетімді алатын боламын.

Әскери кафедрада оқу менің әскерге баруға деген қызығушылығымды туындатты. Сонымен бірге кураторымыз, запастағы полковник Руслан Қазбекұлының сабақ барысында үйрететін әскери дағдылары, берген теориялық білімі мен тәжірибе барысындағы әдіс-тәсілдері үлкен ой салды.

Болашақта қызмет жасайтын әр маманға әскери билет қажет болары белгілі. Оған қоса Отан алдындағы әскери борышын өтеу – әрбір ер-азаматтың парызы. Жігіттер әскерге барудан жалтармауы керек. Себебі, әскери дайындықтан өту арқылы қолыңа қару алып, Отаныңды қорғауға сакадай-сай боласың. Өзім оқып жатқан мамандық арқылы да артиллериялық қарулардың түрлерін, оларды қолдану тәсілдерін, сипаттамасын меңгердім. Мұның өзі – мен үшін үлкен жетістік.

Ұлылардан қалған ұлағатты сөздер



«Мыңды жыққан» білімпаз студенттер

Биылғы еліміздегі жоғары оқу орындарының білім алушылары арасында өткен XIV республикалық пәндік олимпиадада Жәңгір хан атындағы Батыс Қазақстан аграрлық-техникалық университетінің студенттері жүлделі орындарды иеленіп, ұстаздарының мерейін асқақтатты. Жүлдегер студенттерімізді бағындырған белестерімен құттықтаймыз!

«Ветеринарлық медицина және мал шаруашылығы» институтынан:

Аяулым Бексұлтан – II орын;
Аида Мүсімхан – II орын;
Аружан Әтімбетова – III орын;
Абылайхан Дүйсенбеков – III орын.

Топ жетекшілері – «Ветеринарлық және биологиялық қауіпсіздік» жоғары мектебі доцентінің м.а. Светлана Баянтасова, «Мал шаруашылығы және биоресурстар» жоғары мектебінің аға оқытушысы Айнат Қожахметова.

«Агротехнологиялық» институттан:

Алмагүл Тельжанова – II орын;
Шұғыла Нұрадинова – III орын;
Салтанат Құрманбайқызы – II орын;
Айзада Габсикова – III орын.

Топ жетекшісі – «Өсімдік өнімдерін өндіру технологиясы» жоғары мектебінің аға оқытушысы Асхат Бекқалиев.

«Экономика, ақпараттық технологиялар және кәсіби білім беру» институтынан:

«Топ-экономистер» командасы (С.Сибатагов, Н.Харчев, М.Арыстанова) – III орын.

Топ жетекшісі – доцент м.а., PhD докторы Салтанат Есенғалиева.



«Индустриалды-технологиялық» институтынан

Ернұр Құмарғали – III орын;
Артем Вовк – III орын;
Назерке Зейнолла – III орын.

Топ жетекшілері – «Құрылыс және құрылыс материалдары» жоғары мектебінің жетекшісі Қанат Нариков, аға оқытушы, магистр Нұрғұл Құрманязова.

«Политехникалық институттан»:

Нұрдәулет Досжанов, К.Медеу – командалық II орын;
Қайрат Медеу – III орын;
Асылбек Тайшыбаев – III орын;

Топ жетекшілері – «Электротехника және автоматика» жоғары мектебінің аға оқытушысы Наталья Лелеи, «Техника және инженерлік қорғау» жоғары мектебі доцентінің м.а. Жанна Кубашева.

Меншік несі:

Жәңгір хан атындағы Батыс Қазақстан аграрлық-техникалық университеті. Газет Қазақстан Республикасының Ақпарат министрлігінде 2004 жылдың 29 қаңтарында тіркеліп, №4651 – Г куәлігі берілген.

Жәңгір хан атындағы БҚАТУ медиа орталығының директоры
Ләззат ҚАЖЫМОВА

Бас маман
Анар НҰРЛАНҚЫЗЫ
Компьютерде беттеуші және дизайнер
Қайрат ИСИМОВ

Газет Жәңгір хан атындағы БҚАТУ-дың медиа орталығында теріліп, беттеліп, Жарнама-баспа орталығында басылады.

Газет электронды түрде университеттің интернет ресурстарында таратылады. Тапсырыс: № 555 Қолжазба авторға қайтарылмайды. Мақаладағы деректердің нақтылығына автор жауапты.

Редакцияның мекенжайы:

090009, Орал қаласы, Жәңгір хан көшесі, 51. Бас ғимарат 206-бөлме 1-42
info_zkatu@mail.ru